

欽定新疆識略

ル 5
1512
3



門儿 5A
1512
388



欽定新疆識畧卷二

北路輿圖

謹按漢書西域傳稱山北六國後漢書又稱車師六國六國者車師前後部及卑陸且彌蒲類移支卽今之巴里坤烏魯木齊也其西爲烏孫其北爲匈奴五單于地卽今之伊犁塔爾巴哈台也乾隆二十二年平準部定新疆北路分建城邑伊犁之城九烏魯木齊爲腹地立郡縣設屯堡尤多其都統所駐曰鞏寧城乾隆三十七年建提督所駐曰迪化城乾隆三十七年建鞏寧東北路城堡十有四曰惠徠堡爲六

道灣中營屯曰屢豐堡為七道灣中營屯曰輯懷

城為古牧地中營屯以上三處皆乾隆二十七年建曰阜康城為

阜康縣治乾隆二十八年建曰三台堡在濟木薩三台乾隆

四十二年建曰育昌堡在雙岔河曰時和堡在柳樹溝

以上二處皆乾隆三十六年建曰愷安城為濟木薩縣丞治乾隆三十

七年建曰堡惠城為濟木薩叅將所駐乾隆四十二年建

孚遠城為古城領隊大臣所駐乾隆四十年建曰靖遠城

為奇台縣治乾隆四十年建曰木壘城為守備所駐乾隆

三十六年建曰會寧城為巴里坤領隊大臣所駐

乾隆三十七年建曰鎮西府城為鎮西府治西路城堡亦



十有四曰宣仁堡為中營頭工曰懷義堡為中營

二工曰樂全堡為中營三工曰寶昌堡為中營四

工以上四處皆乾隆二十七年建曰頭屯所堡為千總所駐乾隆

二年建曰寧邊城為昌吉縣治乾隆二十七年建

為呼圖壁巡檢治乾隆二十九年建曰蘆草溝堡為千總

所駐曰塔西河堡為千總所駐曰康吉城為綏來

縣治曰綏寧城為瑪納斯右營都司所駐以上四處皆乾隆

四十二年建曰靖遠關為邊城乾隆四十二年建


曰慶綏城為庫爾喀喇烏蘇領隊大臣所駐曰安阜城為精河

糧員所駐以上二處皆乾隆四十八年建綏來縣

潤三堡係屯兵自南路城一曰嘉德城爲喀喇巴
築不在官建之數乾隆四十七年建又吐魯番領
爾噶遜守備所駐乾隆四十七年隊大臣所駐曰廣安城乾隆四
十六年建闢展巡檢所治曰闢展城乾隆四十
四年建亦烏魯木齊所屬以在南路故不具載至
塔爾巴哈台亦建城曰綏靖握其形勢總其會歸
誠可謂星羅碁布矣夫通道始於張騫而不能得
月氏要領求馬繼以廣利而不能下小國堅城漢
之於西域勤天下之力以務之卒有輪臺之悔故
班固之論以爲得之不爲益棄之不爲損若我
朝則上順天心下因人事其得之也不爲贖武其守
之也不爲費財伊犁烏魯木齊之駐防滿兵則移


自熱河西安涼州莊浪駐防綠營兵則移自延綏
寧夏興漢西寧固原肅州河州安西以邊外屹然
重鎮而皆裁內地之額以補之實未嘗增兵也至
其籌餉也甘肅等處所減草料及京口杭州等處
出旗漢軍俸餉口糧馬乾折色等項每歲節省銀
一百二十九萬兩有餘以一百零七萬八千四百
餘兩爲新疆各城之俸廉經費尙餘銀二十一萬
一千五百餘兩是得新疆不特未嘗糜餉且爲節
省帑銀也加以大興屯田設立學校閭閻相望比
戶可封阡陌縱橫餘糧栖畝是又自古建堡塞之

北路總圖



議講安邊之論者所不能得十一於千百者矣謹
繪北路總圖一其分圖五日巴里坤曰古城曰烏
魯木齊曰庫爾喀喇烏蘇曰塔爾巴哈台伊犁則
各自為卷故不復載


北路總圖



各自為卷故不復載

平定北路紀事

準噶爾者本元阿魯台部其聲訛為厄魯特
 國初時其酋嘗遣使通貢後有噶爾丹者出自北厄
 魯特漸強盛自立為汗侵掠其鄰喀爾喀部喀爾
 喀故有二汗左翼號圖謝圖汗右翼號車臣汗其
 地在我四十九旗蒙古之北與準噶爾接壤至是
 為所侵擾勢不支康熙二十七年二汗率全部來
 歸並不敢游牧於故地避入我邊境二十九年尙
 書阿爾尼率兵備邊會厄魯特驅掠喀爾喀人畜
 過阿爾尼以蒙古兵擊之而令喀爾喀奪還所掠



喀爾喀務爭取陣遂亂厄魯特因而乘之反爲所敗乃以裕親王福全爲撫遠大將軍恭親王常寧爲安北大將軍出師至烏蘭布通大敗其衆噶爾丹始以書來乞和然弗悛也其兄子策旺阿拉布坦亦爲所凌虐嘗遣間使來附我使者往爲厄魯特所害三十三年約其來會盟不報而擾喀爾喀益甚

聖祖仁皇帝念喀爾喀爲我外藩不庇之使安游牧勢將以近邊蒙古地處之則蒙古生計亦受害自非大創噶爾丹不可乃決計用兵又恐我兵至而敵先

遁也三十四年圖謝圖親王沙津來覲於木蘭具言噶爾丹約其爲內應將入邊

聖祖仁皇帝命沙津僞與相結誘其兵來是秋噶爾丹果掠喀爾喀之納木札爾陀音所部駐兵於土喇及克魯倫河之間自秋徂冬不去三十五年春兩路出師

聖駕向克魯倫河進發撫遠大將軍伯費揚古率將軍孫思克總兵康調元等向土喇進發五月五日大兵至克魯倫河噶爾丹已遁追之不及

聖駕回鑾費揚古兵至昭莫多探知噶爾丹在特勒克濟

欽定新編通志 卷二
相距僅二十里遣碩岱誘之孫思克陣東阜康調
元陣西阜以待賊果大至我軍擊之自未至酉噶
爾丹大敗追殺四十餘里斬數千級生擒數百人
牛二萬餘羊四萬餘軍資器械無算噶爾丹之妻
阿奴喀通亦死於亂軍其他台吉宰桑陣歿者不
可數計投費揚古軍者二千餘人投馬思喀軍者
五百餘人噶爾丹既敗與諸台吉會於塔米爾噶
爾丹欲往翁金丹濟喇欲往阿爾台阿賴卜灘及
丹津俄木布欲往俄羅斯邊境皆無定議已而丹
津俄木布之人盜噶爾丹部內羊馬噶爾丹責之

遂有隙丹津俄木布叛去惟丹濟喇及阿賴卜灘
尙隨之又有諾顏格隆及吳爾占札卜等亦率其
屬以從然所屬各不過千人少僅數百人

聖祖仁皇帝欲乘勢遂滅之秋九月

聖駕再發京師往歸化城經理其事檄諭青海諸台吉協
擒噶爾丹諭策妄阿拉布坦亦如之又多遣間使
招其黨與時翁金有我軍所餘糧噶爾丹欲資以
度冬使丹濟喇來劫我副都統祖良璧敗之其遣
往達賴喇嘛之使人喇克巴過青海亦爲我副都
統阿南達所擒有台吉阿玉奇及厄爾克巴圖皆

承檄與策妄阿拉布坦會於阿爾台約共擒噶爾丹噶爾丹聞之遂向白格爾西去十二月

聖駕回京三十六年春噶爾丹之子塞卜騰巴爾珠爾捕獸於巴爾思庫爾我哈密回目都拉達爾罕遣子郭帕擊擒之俘送京師二月

聖駕啟鑾往寧夏時噶爾丹竄於薩克薩呼里克資野獸以給勢益蹙諸台吉咸出怨言噶爾丹於三月十三日仰藥死丹濟喇攜其屍及其女鍾濟海來降聖祖仁皇帝以噶爾丹餘衆畀策妄阿拉布坦無何狼子野心漸狂悖康熙五十四年來擾哈密我駐防哈

密之遊擊潘至善拒之肅州總兵路振聲出兵應援敵始去自是常發兵備邊五十六年以內大臣傅爾丹爲振武將軍駐阿爾台尙書富寧安爲靖逆將軍駐巴里坤散秩大臣祁里德爲協理將軍在西路策應是年冬策妄阿拉布坦遣大策零敦多卜侵西藏藏中酋長曰拉藏汗與達賴喇嘛及班禪厄爾得尼退守布達賴五十七年侍衛色楞率西寧兵會同青海王台吉等進援總督額倫特繼之未至而拉藏汗已爲敵所殺額倫特敗賊於齊諾郭勒色楞敗賊於喀喇烏蘇尋合兵進勦八

欽定新編詳畧 卷二
月朔日賊大至額倫特中槍殞我師敗績於是皇子允禩爲撫遠大將軍率重兵駐西寧五十八年平逆將軍延信由青海定西將軍噶爾弼由打箭爐兩路進兵收復藏地傅爾丹富寧安祁里德等亦由西北兩路襲擊以分賊勢富寧安在闕展降回衆三百餘至吐魯番降番衆千餘祁里德亦降厄魯特宰桑塞卜騰等二千餘傅爾丹至格爾額爾格殺厄魯特二百餘擒宰桑貝肯等百餘然皆未深入也八月延信兵與大策零敦多卜戰於密諾郭勒綽瑪喇等處皆捷噶爾弼由南路乘虛入

聞春丕宰桑以兵來拒及其未至先克墨朱工喀所至望風歸款朱貢之胡土克圖獻地降第巴達克咱及喇嘛鍾科爾亦降卽令聚皮船渡河乘勢直抵西藏藏中大小頭目及各寺喇嘛俱歡迎恐後盡擒獻準噶爾喇嘛百餘人其大策零敦多卜所授爲總管者俱斬於軍前西藏遂復雍正元年青海王羅卜藏丹津叛以陝督年羹堯爲撫遠大將軍提督岳鍾琪爲奮威將軍入平之羅卜藏丹津走投策妄阿拉布坦

世宗憲皇帝遣使索之不卽獻惟不敢入犯乃撤兩路兵

欽定新編通志卷之二
九
量留兵哈密護其耕作五年策妄阿拉布坦死子
噶爾丹策凌襲凶狡好亂過於其父又集兵窺邊
乃復以傅爾丹爲靖遠大將軍駐阿爾台岳鍾琪
爲寧遠大將軍駐巴里坤噶爾丹策凌遣小策零
敦多卜以二萬衆犯濶舍圖掠駝馬總兵樊廷副
將冶大雄拒退之九年六月傅爾丹出師敗績於
和通淖爾兵二萬得歸者僅二千餘岳鍾琪聞傅
爾丹被圍急出師遙爲聲援亦不能大獲賊得志
益猖獗大策零敦多卜駐華額爾齊斯小策零敦
多卜駐喀喇額爾齊斯日伺釁擾邊時方築城於

科布多以地遠難守移營於察罕度爾以順承親
王錫保爲靖遠大將軍鎮之降傅爾丹仍爲振武
將軍又以馬爾賽爲綏遠將軍駐歸化城爲犄角
兩策零敦多卜一由郭多里一由杭愛來掠喀爾
喀公通摩克兩佐領人畜爲所擄通摩克率所部
內移小策零敦多卜自率大衆屯蘇克阿勒達錫
保令喀爾喀親王丹津多爾濟及額駙策楞與戰
鄂登楚克敗之十年又有塞卜騰策零那木札爾
由烏魯木齊來擾哈密岳鍾琪遣總兵曹勣副將
紀成斌拒之秋噶爾丹策凌傾國入寇至額駙策

楞所部策楞方入朝遂盡掠其貲畜二子一妾亦
爲所得策楞在途聞之割辮髮及所騎馬尾誓以
死復讐卽借各蒙古兵回救噶爾丹策凌方酣飲
爲樂策楞夜半由間道繞出山後黎明自山頂大
呼壓而下賊驚起人不及甲馬不及鞍棄其軍貲
猝遁策楞追及之於額爾德尼招左阻山右限大
水賊無路走我兵乘勢蹙之擊殺數萬尸滿山谷
河水數十里皆赤噶爾丹策凌由鄂爾昆竄去策
楞急檄馬爾賽出歸化城截殺副將軍達爾濟整
兵待發馬爾賽不許副都統傅鼐至跪求出兵亦

不許軍士登城望見賊騎由城下過如亂鴉投林
紛雜無行列翌日將士不稟命自出追之噶爾丹
策凌已從前隊過僅截其零騎馬爾賽由是伏法
而噶爾丹策凌衰弱亦不復敢擾邊尋遣人來議
和十二年傅鼐及學士阿克敦報之尋以所議邊
界不決使命往返至乾隆四年始定議厄魯特游
牧不得過阿爾台喀爾喀游牧不得過札卜堪兩
國各遵守已又許其通市易及進藏作佛事人馬
貨物各限以數乃盡撤西北兩路兵十年噶爾丹
策凌死其子策妄多爾濟那木札爾嗣位昏暴不

金定新編 卷二
恤國事十五年其姊夫賽音伯勒克弒之立其庶
兄喇嘛達爾濟本噶爾丹策凌外婦所生子也有
大策零敦多卜之孫達瓦齊於喇嘛達爾濟爲近
屬喇嘛達爾濟忌之輝特台吉阿睦爾撒納者最
狡黠欲搆達瓦齊篡亂而已從後圖之乃與達瓦
齊合兵突入伊犁弒喇嘛達爾濟達瓦齊自立爲
汗阿睦爾撒納欲襲之而力不敵十九年遂與都
爾伯特台吉訥默庫和碩特台吉班珠爾率所部
二萬餘人來降且乞師往靖亂其意欲藉我兵力
滅達瓦齊而已得據其處也先是喇嘛達爾濟之

立以台吉達什達瓦素爲策妄多爾濟那木札爾
所任用執而廢之欲以其部衆分賞各台吉其部
下有宰桑薩拉爾不肯他屬率千戶來降

高宗純皇帝授爲散秩大臣詢以準夷事備悉其內亂狀
然尙未欲用兵也迨達瓦齊之篡有都爾伯特台
吉策凌及策凌烏巴什策凌孟克率所部來降益
得悉其情形亡可企足待

高宗純皇帝念我朝數十年設斥堠議邊防厲兵秣馬欲
殄滅準噶爾而未能者今事會適有可乘時不可
失於是用兵之策遂決方調兵籌餉以圖大舉而

阿睦爾撒納來降尙書舒赫德奉

命往撫率請留其壯丁於烏里雅蘇台軍營而部落悉徙蘇尼特斥罷之更以尙書班第往輯其衆俾游牧於札卜堪阿睦爾撒納等至熱河封爲親王訥默庫班珠爾皆封郡王寵賚甚至二十年春兩路出師北路以班第爲定北將軍阿睦爾撒納爲定邊左副將軍副之西路以陝甘總督永常爲定西將軍薩拉爾爲定邊右副將軍副之所至準夷各部落大者數千戶小者數百戶攜醕酪獻羊馬跪迎恐後兩路兵行數千里無一人抗顏行者五月五

日齊抵伊犁達瓦齊已遁於格登山阻淖爲營衆尙萬餘我兵追及之侍衛阿玉錫等夜以二十二騎直薄其營呼噪突入賊萬衆驚潰達瓦齊竄於呼爾滿回酋霍集斯承檄縛獻軍門並獲青海叛賊羅卜藏丹津及前歲已降復叛之巴朗先後檻送入京行獻俘禮是役也出師僅百餘日不傷一兵不折一矢犁庭掃穴生縛名王沙漠萬里悉入版宇信自古未有之駿烈也厄魯特之先故有四衛拉特華言四大部也部各有汗

高宗純皇帝之初用兵也欲俟平定後仍其舊設四汗衆

欽定四庫全書 卷二 三
建以分其勢可以消亂萌息邊釁如喀爾喀之編
七旗至今長享太平而阿睦爾撒納志不在此也
高宗純皇帝預燭其情甫出兵卽密諭班第示以分封四
汗之意以消其妄念又以額駙色布騰巴爾珠爾
本科爾沁親王與阿睦爾撒納語言相通氣類相
近令與阿睦爾撒納偕行俾耦居無猜實陰伺察
之乃額駙反與之昵阿睦爾撒納遂恃爲奧援旣
平伊犁班第及西路叅贊大臣鄂容安留伊犁與
阿睦爾撒納薩拉爾共籌善後事宜阿睦爾撒納
輒隱以汗自處事多不稟承將軍生殺任意置副

將軍印不用用其國汗舊傳小紅鈴記發書鄰部
哈薩克及俄羅斯之烏梁海又使其黨布流言謂
不立阿睦爾撒納爲汗終不得寧帖班第鄂容安
密以其事馳奏得

旨卽軍中誅之毋濡忍貽後患而是時大兵已撤隨將軍
者僅五百兵其餘皆厄魯特也班第等遂不敢舉
事時先有

旨令阿睦爾撒納以九月至熱河行飲至禮班第等乃趣
其入覲欲使入我境則易擒也先是六月中額駙
先回阿睦爾撒納私以總統四部之意乞其代奏

並約畧時日以七月下旬爲期及額駙歸不敢奏而阿睦爾撒納待信不至以入覲期迫班第又令喀爾喀親王額林沁多爾濟伴行阿睦爾撒納不得已自伊犁起行途次屢遷延迨八月中旬尙無信疑事中變十九日行至烏龍古距其舊游牧僅一日程詭稱歸辦裝以副將軍印付額林沁多爾濟使先行約一二日卽追及遂率所部逃去額林沁多爾濟久之始悟其給已急追之已不及阿逆此下皆稱阿逆寄聲伊犁衆厄魯特嗾其反又使其黨阿巴噶斯哈丹等掠西路軍臺先已潛遣人迎其妻

子及部衆於札卜堪賴先事已奉

聖諭烏里雅蘇台軍營得爲備其妻子遂不能去而伊犁

宰桑克什木敦多卜曼集等蠱起爲亂二十三日班第鄂容安薩拉爾率五百兵奪路歸賊萬衆圍之至崆吉斯薩拉爾先遁五百兵皆散班第鄂容安自刎死定西將軍永常方駐木壘聞軍臺被掠六七處恐賊大至乃退回巴里坤時新降諸台吉方覲於熱河噶爾藏多爾濟封爲綽羅斯汗沙克都爾滿津封爲和碩特汗巴雅爾封爲輝特汗其先降之策凌已封親王至是亦封爲都爾伯特汗

其餘宰桑呢嗎丹津巴桑厄魯錫音哈薩克錫拉
等各授官賞銀幣皆願歸出兵協勦阿逆

高宗純皇帝以額駙匿情不奏致誤軍事革其爵發軍前
効力額林沁多爾濟與阿逆偕行而聽其免脫立
賜之死又以永常懼怯退兵逮問來京以公策楞
爲定西將軍富德玉保達爾黨阿俱爲叅贊大臣
由巴里坤速進兵十一月師行玉保爲前隊諸降
夷入覲後回游牧者亦各以兵從二十一年正月
薩拉爾自伊犁脫歸迎大軍於吐魯番玉保至特
克勒探知阿逆僅距一日程急進可追及忽有報

台吉諾爾布已擒阿逆來獻者玉保遂駐兵待之
先以紅旗報捷於策楞策楞亦不暇審虛實卽以
紅旗報入京而不知報擒阿逆者卽阿逆所遣慮
我兵追及故以此緩師而已得逸去也二月策楞
兵至伊犁阿逆已逃入哈薩克乃禡策楞玉保職
用達爾黨阿爲定西將軍富德副之以擒阿逆事
專任此二人直入哈薩克索取繼

命巴里坤辦事大臣兆惠爲定邊右副將軍往軍營應援
諸降夷在軍前者皆撤歸使得休息夏六月忽有
喀爾喀郡王青滾雜卜撤軍臺之事北路郵驛本

喀爾喀各部應役自用兵以來軍報絡繹需人馬頗多青滾雜卜苦之遂撤其所設臺文報中斷又以額林沁多爾濟之賜死謂我喀爾喀本青吉斯汗子孫例不治罪以此散流言衆喀爾喀惑之自十六臺至二十九臺一時盡撤乃以超勇親王策楞之子成袞札布爲定邊左副將軍往勦捕又

命尙書納延泰侍郎阿桂等往各臺旋皆復設達爾黨阿等之追賊也至哈薩克界阿逆方借哈薩克兵來拒我兵擊敗之陣獲哈薩克人楚魯克等願往說其酋長阿布賚擒阿逆來獻阿布賚遣人送馬並



爲阿逆乞命達爾黨阿不許使命往返迄數月未得賊時將冬寒

命達爾黨阿等撤兵由北路歸與成袞札布協擒青滾雜卜是年冬阿桂追獲之始伏誅而西路諸降夷巴雅爾呢嗎噶爾藏多爾濟哈薩克錫拉等聞青滾雜卜之變亦羣起叛亂我副都統和起殲焉策楞玉保逮入京在途亦爲所害兆惠方駐兵濟爾哈朗聲息阻隔或傳其率兵途次爲賊所截者巴里坤大臣募人往探大風雪莫敢應有守備高天喜獨請行侍衛圖倫楚已由巴里坤率兵往兆惠方

率千五百兵轉戰而東自十一月起行戰於塔勒奇戰於鄂壘前後殺賊數千二十二年正月至烏魯木齊諸賊皆會自十二日至十七日數十百戰然軍中無馬皆步行雪淖中履襪亦多不完所食惟瘦駝疲馬且將盡二十三日特納格爾今阜康縣不復能衝殺乃結營固守三十日圖倫楚兵至諸賊始解圍去兆惠得圖倫楚兵又往勦巴雅爾部落始回巴里坤是歲再出師擒阿逆並勦洗諸叛者成衮札布出北路兆惠出西路皆於三月中起行會諸賊自相吞噬札納噶爾卜襲殺噶爾藏多

爾濟呢嗎又欲襲札納噶爾卜不果阿逆自哈薩克歸會諸賊於波羅塔拉欲自立爲汗我兵將至又遁去諸賊皆竄匿於是兆惠擒原任內大臣巴桑鄂博什擒原任散秩大臣厄魯錐音圖倫楚擒原任貝勒納奇木海蘭察擒巴雅爾烏爾登擒呢嗎札納噶爾卜已病故台吉琿齊達瓦以其首來獻惟阿逆尙未獲夏六月兆惠富德等又窮追至哈薩克阿布賚誓擒以獻適阿逆率二十人往投阿布賚約以詰朝相見先使人收其馬阿逆驚又逃阿布賚執其兄達什策凌送軍門阿逆徒步入

里巴
界密哈




欽定新疆圖志 卷二

俄羅斯為樵者所得守卡之馬玉爾送往其國察罕汗理藩院行文俄羅斯索之阿逆患痘死俄羅斯以其屍送入邊兆惠富德因擇地過冬明年再盡勦厄魯特之漏網者二十三年春兆惠由博羅布爾噶蘇富德由賽里木如獵場中分兩翼合圍會於伊犁凡山陬水涯可漁獵資生之地悉搜剔不遺此平定北路之始末也


巴里坤輿圖

哈密界



盡勦厄魯特之漏網者二十三年春兆惠由博羅
 布爾噶蘇富德由賽里木如獵場中分兩翼合圍
 會於伊犁凡山陬水涯可漁獵資生之地悉搜剔
 不遺此平定北路之始末也

坤輿圖



巴里坤

疆域

巴里坤東至哈密所屬之羊圈溝塘二百里西至
 烏魯木齊所屬之濟木薩塘九百里南界哈密北
 界喀爾喀在肅州西北一千七百九十里與哈密
 以天山為界山陽為哈密山陰為巴里坤東門外
 有漢永和三年敦煌太守裴岑紀功碑天山之顛
 有唐貞觀十四年姜行本紀功碑蓋自古戰守阨
 隘之地新疆未入版圖之先巴里坤曾兩駐大兵
 康熙十八年張勇謀噶爾丹欲襲哈密始設備邊

汎三十五年噶爾丹爲大軍敗遁將取糧哈密副都統阿南達設哨布隆吉巴里坤塔勒納沁都爾博勒津諸路五十四年準噶爾襲哈密掠北寨五抵城我駐防兵二百率回卒奮擊斬九十級擒三人賊退有佐領色拍爾者俘獻準噶爾賊以秋將復襲告

詔遣大兵屯巴里坤巴里坤駐兵自此始五十六年以富

寧安爲靖逆將軍駐巴里坤時傳爾丹爲振武將軍駐阿爾台分襲準噶爾兵抵烏魯木齊擒賽音塔拉回子百餘人時傳爾丹布爾噶蘇六十年準噶爾博斯和勒額穆齊宰桑

襲吐魯番散秩大臣阿喇納以兵二千援之副都統莊圖穆克登各督兵二千繼之別以兵八千屯鄂隆吉澗舍圖色必特伊勒布爾和碩路爲應阿喇納抵吐魯番敗準噶爾六十一年遣巴里坤兵五千赴吐魯番築城禦準噶爾雍正三年策妄阿拉布坦乞降闕展吐魯番回子內徒撤大兵還此初駐之始末也雍正七年大軍復駐巴里坤寧遠大將軍岳鍾琪鎮之八年岳鍾琪入

覲紀成斌護理寧遠大將軍準噶爾襲澗舍圖卡倫盜駝馬總兵樊廷副將冷大雄等率兵二千轉戰七晝

欽定平定回疆方略 卷二
三
夜敗之九年準噶爾侵吐魯番樊廷等統兵四千
援之師還準噶爾復來襲總兵張元佐率兵三千
赴吐魯番別以兵六千屯塔呼及陶賴隘準噶爾
圍魯克沁越四旬餘不下復以木梯三百攻喀喇
和卓回衆堅守賊聞大兵至遁走尋又侵吐魯番
副將王廷瑞等擊斬二百餘賊遁十年噶爾丹策
凌遣塞卜騰策零納木札爾等由烏克克嶺西喇
呼魯蘇分兵襲哈密及塔勒納沁回衆乞援岳鍾
琪檄總兵曹勣趨輝魯圖達巴罕五堡復慮賊由
摩垓圖爾庫勒竄北山檄副將軍石雲倬設伏

巴罕温度爾署鎮海將軍卓鼐設伏察罕春集副
將軍常賚赴烏克克嶺截賊竄路曹勣軍抵二堡
遇賊五千奮擊之賊由烏克克嶺越塔呼納呼遁
其宰桑額爾克得松復往吐魯番襲喀喇和卓大
兵亦擊走之是年正月岳鍾琪以木壘地方扼要
奏移大兵駐之七月岳鍾琪降調回京陝西總督察
郎阿署理寧遠大將軍先以副將軍張廣泗護理
八月張廣泗

奏言木壘地處兩山形同釜底受敵甚易據守甚難
巴里坤地處平原南北兩山南山縣亘數千里直

至伊犁北山漸折而西南至濶舍圖與南山鎖合再西出烏蘭烏蘇口則北山已斷南山之北卽屬沙磧請於濶舍圖駐重兵濶舍圖以西之烏蘭烏蘇口南山一帶之陶賴烏克克嶺北山一帶之小濶舍圖色必特鄂隆吉察罕哈麻爾鏡兒泉及運糧臺站經由之噶順烏爾圖哈必爾罕等處俱各駐兵則與巴里坤形勢通聯可免賊人窺伺乃移大兵駐濶舍圖旋以濶舍圖地難久駐復撤回駐巴里坤十二年大將軍查郎阿入

現準噶爾來襲至務塗水副將軍張廣泗調副都統班第

達什等於蘆草溝搜勦固原提督樊廷於鹹泉子搜勦大敗之追過噶順直抵鄂隆吉達巴罕俘斬四百餘十三年撤大兵還此再駐之始末也於是議改設駐防兵王大臣等議設駐防哈密及巴里坤兵各二千陝西總督查郎阿議哈密巴里坤路隔南山兩地惟駐兵二千聲息難驟通請簡兵三千於哈密西之三堡及沙棗泉東北之塔勒納沁三處各屯兵千又哈密地熱不便牧馬請令每年撥種後酌遣哈密兵一千沙棗泉塔勒納沁兵各五百於昭莫多呼齊爾台沙山子鹿心山等處牧

放復設汎烏爾圖哈達伊克温都爾鄂什希地防
牧廠俟秋撤還又哈密南山為北路屏藩應分兵
二百屯盤道設汎鹿心山松樹塘烏蘭特爾木斯
畢柳達巴罕等處烏克克嶺為三堡沙棗泉要隘
應分兵二百屯烏克克嶺上堡設汎索大堡白楊
溝羊堡錫喇淖爾等處塔勒納沁河源為塔勒納
沁小口應分兵二百屯河源小堡設汎莫艾舒魯
遜達巴罕等處別簡兵五千屯赤金靖遮柳溝布
隆吉橋灣五處設汎馬蓮井子東星星峽西互為
守望從之至平定新疆全行裁撤乾隆二十七年

設巴里坤綠營三十七年設巴里坤滿營三十八
年設鎮西府領宜禾奇台二縣滿營所駐為會寧
城乾隆三十七年建其鎮西府城即雍正九年所
建之城也

官制兵額

領隊大臣一員駐劄會寧城

筆帖式一員

委筆帖式二員

鎮西府知府一員駐劄漢城

經歷一員乾隆三十八年裁安西府經歷改設

教授一員

乾隆三十八年裁安西府教授改設

宜禾縣知縣一員

乾隆三十八年裁巴里坤理事通判改設

訓導一員

乾隆三十八年裁內地靈臺縣訓導改設

典史一員

乾隆三十八年設

奇台縣知縣一員

乾隆四十年裁奇台縣管糧通判改設

訓導一員

乾隆四十一年裁內地平涼縣訓導改設

典史一員

乾隆四十一年裁濟木薩管糧巡檢改設

滿營

乾隆三十七年西安將軍奏准由西安寧夏兩處滿營各裁撥一千移駐巴里坤

嗣因該處兵糧轉運惟艱三十九年烏魯木齊都統陝西總督奏明准將西安滿兵移駐巴里坤其寧夏營

滿兵移駐古城

協領二員

內兼前鋒翼長一員

佐領八員

內委戴花翎前鋒章京一員

防禦八員

驍騎校八員

催總八名

領催三十二名

前鋒四十名

內委金頂藍翎前鋒校八名前鋒小旗四名

馬甲七百六十八名

砲手十六名

步甲一百四十四名

匠役十六名

養育兵六十名

綠營

總兵一員

中營 乾隆二十七年由安西移駐左營右營同

遊擊一員

守備一員

千總一員

把總四員

外委六員

額外外委六名

馬兵四百十四名

步兵二百三十九名

左營

遊擊一員

守備一員

千總二員

把總四員

外委六員

額外外委六名

馬兵四百十二名

步兵二百三十八名

右營

遊擊一員

守備一員

千總二員

把總四員

外委六員

額外外委六名

馬兵四百十三名

步兵二百三十九名

屯兵五百名

城守營乾隆四十二年由踏實堡沙州二營移駐

都司一員

千總一員

把總二員

外委二員

額外外委二名

馬兵一百十二名

步兵七十二名

木壘營

乾隆三十二年並三十六年由塔爾灣安西等營移駐

守備一員

把總二員

外委二員

額外外委二名

馬兵一百四十四名

步兵一百六十名

屯兵一百五十名

屯務

乾隆五十年烏魯木齊都統常青議復烏魯木齊

巴里坤加屯事宜

奏言迪化州各工除現在屯田外尚有餘地可以分

駐提標加添屯種至巴里坤每歲供支共需小麥

一萬八千餘石除戶民每歲額徵小麥二千二百

餘石屯兵等交收小麥四千四百餘石不敷糧一

萬一千四百石查沙山子奎素石人子等處隙地

俱零星不成片數且現安插戶民居住恐渠水不

足反致周章毋庸加兵屯種等因在案現今屯兵

五百名每年交糧四千八百五十石零

木壘營於吉布庫地方置屯田自乾隆三十二年

為始派把總一員外委一員兵一百五十名屯種
每年種地二十二畝共種地三千三百畝

廠務

乾隆二十六年由安西涼州肅州等處存剩馬一
千五百餘匹解巴里坤設廠孳生曰東廠三十四
年由塔爾巴哈台解到馬匹同巴里坤節年孳生
共馬五千餘匹設廠孳生曰古城西廠四十年兩
廠共有馬八千餘匹又於木壘添廠孳生曰木壘
廠每廠兒騾馬二千九百十二匹派遊擊都司守
備各一員統率每廠分五羣每羣派千總把總各

一員為牧長外委一員為牧副按馬二十四匹派
兵一名牧放三年期滿報部查核其孳生駝隻按
照五年均齊之例核辦

卡倫

- 木城子卡倫 距城七十里
- 駱駝巷卡倫 距城七十里
- 托里烏蘇卡倫 距城七十里
- 鄂什希卡倫 距城四十里
- 羊圈灣卡倫 距城五百餘里以上領隊大臣管
- 噶順溝卡倫 距城三百二十里

七個子井卡倫 距城三百二十里

北木城卡倫 距城九里

鏡兒泉卡倫 距城九里

尖山子卡倫 距城四十里 以上鎮標管其羊圈灣駱駝巷二卡倫與滿營兼管

白山子卡倫 距城三百一十里 木壘營管

軍臺

鹽池臺 東至惠井子腰臺五十里

惠井子腰臺 東至胡桐窩臺七十里

胡桐窩臺 東至托賴井子腰臺六十里

托賴井子腰臺 東至陶賴臺八十里

陶賴臺 東至肋巴泉臺六十里

肋巴泉臺 東南至哈密所管之橙槽溝臺三十里

驛站

孚遠驛 西至濟木薩所管之保惠驛六十里 東至屏營驛九十里

屏營驛 東至白水驛九十里

白水驛 東至三泉驛九十里

三泉驛 東至三泉腰站九十里

三泉腰站 東至磐安驛四十里

磐安驛 東至磐安腰站四十里 以上奇台縣管

磐安腰站 東至巨溝驛六十里

巨溝驛東至湧泉九十里

湧泉驛東至助巴泉七十里

助巴泉驛東至望山九十里

望山驛東至會寧九十里

會寧驛迤東哈密境以上宜禾縣管

營塘

木壘塘西至奇台塘九十里東至阿克塔斯塘九十里

阿克塔斯塘東至烏蘭烏蘇塘九十里

烏蘭烏蘇塘東至色必塘六十里

色必塘東至噶順塘八十里

噶順塘東至務塗水塘九十里

務塗水塘東至助巴泉七十里

助巴泉塘東南至蘇吉塘九十里

蘇吉塘東至巴里坤底塘九十里


巴里坤底塘東至奎素塘九十里

奎素塘東至松樹塘八十里

松樹塘東南至哈密所管之羊圈溝塘三十里

古城興圖

番魯吐通



卷二

三

爲滿營駐劄

官制兵額

領隊大臣一員

受烏魯木齊都統節制

筆帖式一員

委筆帖式二員

巡檢一員

乾隆四十一年裁奇台東吉爾瑪泰管糧巡檢改設

滿營

乾隆三十九年因巴里坤兵糧運送維艱將原移寧夏滿營由巴里坤撥古城駐防

協領二員

內兼前鋒翼長一員

佐領八員

內委戴花翎前鋒章京二員

防禦八員

驍騎校八員

內委戴藍翎二員

催總八名

領催三十二名

前鋒四十名

內委金頂藍翎前鋒校八名前鋒小旗四名

馬甲七百六十八名

礮手十六名

步甲一百四十四名

匠役十六名

養育兵六十名

綠營

乾隆三十六年由興漢河州沙州各營移駐

遊擊一員

千總一員

把總二員

外委四員

額外外委四名

馬兵二百零五名

步兵二百名

屯兵五百名

屯務

古城屯設自乾隆三十七年向派肅州沙州巴里

坤官兵屯種四十二年內地裁撥眷兵因於本營派眷兵三百五十名接屯換沙州巴里坤兵丁回營惟留肅州千總一員兵一百五十名同古城眷兵共五百名屯種五十六年濟木薩裁撤屯田卽於濟木薩營派千總一員兵一百五十名更換肅州官兵回營濟木薩官兵則歲更換嘉慶十六年因古城差多兵少由瑪納斯派兵八十名濟木薩派兵二十名更換古城屯兵一百名回營現在三屯曰豐盛屯曰太平屯曰安樂屯各派千總把總一員共兵五百名每名種地二十二畝共種地一

萬一千畝

廠務

古城孳生西廠馬匹自乾隆三十四年從巴里坤東廠分牧馬二千九百餘匹分為五羣向派肅州鎮屬官兵牧放乾隆六十年調派瑪納斯營千總把總外委共十員兵丁五十名巴里坤營兵七十二名至古城牧放更換肅州鎮官兵回營其牧馬廠地夏秋在南山一帶冬春在北湖一帶

卡倫

素必口卡倫 距城四十里 領隊大臣所管

下八戶卡倫 距城一百四十里

噶順布拉克卡倫 距城一百八十里

蘇吉卡倫 距城三百三十里 以上綠營所管 其素必口卡倫與領隊大臣同轄

軍臺

北道橋臺 南至古城五十里北至噶順臺一百二十里


噶順臺 北至蘇吉臺一百六十里

蘇吉臺 北至科布多所管鄂倫布拉克臺九十里

營塘

古城塘 西至濟木薩塘六十里 東至奇台塘九十里

奇台塘 東至巴里坤所管 木壘塘九十里



烏魯木齊

疆域

烏魯木齊係準噶爾舊地東界哈密所屬之羊圈溝塘一千四百六十七里西界伊犁所屬之瑚素圖布拉克臺一千四百四十里南界喀喇沙爾所屬之蘇巴什臺八百二十里北界塔爾巴哈台所屬之烏爾圖布拉克臺八百三十五里東北界科布多所屬之鄂倫布拉克臺八百四十里所轄領隊大臣五道員一府州各一縣五

官制兵額

都統一員駐鞏寧城此缺舊係參贊大臣乾隆三十八年改設

章京三員印房糧餉處駝馬處各一員

筆帖式三員印房糧餉處駝馬處各一員

委筆帖式六員印房三員糧餉處一員駝馬處一員營務處一員

書識十八名印房十一名糧餉處二名

分巡鎮迪糧務兵備道一員先年安西道駐安西乾隆三十七年改為

巴里坤屯田糧務兵備道駐巴里坤三十八年移駐烏魯木齊烏魯木齊舊有糧道差缺並裁

迪化直隸州知州一員駐鞏寧城乾隆三十八年裁烏魯木齊同知改設

理事通判一員乾隆三十七年裁內地涼州理事通判改設

迪化州學正一員乾隆三十八年裁內地華亭縣訓導改設

迪化州吏目一員乾隆三十八年裁烏魯木齊倉大使改設

迪化州巡檢一員乾隆四十年裁內地秦安縣隴城巡檢改設

昌吉縣知縣一員乾隆三十八年裁烏魯木齊州同改設

昌吉縣訓導一員乾隆三十八年裁內地靖遠縣訓導改設

昌吉縣典史一員乾隆三十八年添設

呼圖壁巡檢一員乾隆二十八年改昌吉巡檢移駐

綏來縣知縣一員乾隆四十二年裁瑪納斯縣丞改設

綏來縣訓導一員乾隆四十二年裁內地岷州訓導改設

綏來縣典史一員乾隆四十年添設

阜康縣知縣一員此缺舊設特納格爾州判乾隆四十一年裁內地莊浪縣知縣

設改

阜康縣訓導一員

乾隆四十一年裁內地莊浪縣訓導改設

阜康縣典史一員

乾隆四十一年裁內地莊浪縣典史改設

濟木薩縣丞一員

此缺舊係巡檢乾隆四十年改設縣丞

喀喇巴爾噶遜糧員一員

乾隆五十六年添設

滿營

乾隆三十七年由涼州莊浪移駐

領隊大臣一員

受烏魯木齊都統節制

協領六員

佐領二十四員

內委戴花翎前鋒翼長一員戴花翎前鋒章京二員

防禦二十四員

內委戴花翎前鋒章京二員

驍騎校二十四員

催總二十四名

領催九十六名

前鋒二百四十名

內委金頂藍翎前鋒校二十四名小旗二十四名

馬甲二千三百零四名

礮手四十八名

步甲三百三十六名

匠役四十八名

養育兵二百八十名

綠營

提督一員

駐劄迪化城舊制提督駐劄巴里坤總兵駐劄烏魯木齊乾隆二十九年改設

中營

乾隆二十七八九並三十三等年由安西提標甘涼河州延綏寧夏興漢

西寧固原各營移駐左營右營同

叅將一員

守備一員

千總二員

內撥阜康防汛一員

把總四員

經制外委五員

額外外委八名

馬兵四百七十四名

步兵四百七十五名

屯兵五百名

左營

遊擊一員

守備一員

千總二員

把總四員

經制外委六員

額外外委七名

馬兵四百七十四名

步兵四百七十五名

屯兵五百名

右營

都司一員

守備一員

千總二員

把總四員

經制外委六員

額外外委七名

馬兵四百七十四名

步兵四百七十五名

屯兵五百名

迪化城守營

乾隆二十八並三十二三十九年
由涼州寧夏甘州安西
河州肅州沙州固原西
寧延綏興漢各營移駐

都司一員

守備一員

千總二員

把總四員

經制外委六員

額外外委八名

馬兵五百名

屯兵五百名

鞏寧城守營 乾隆二十四年由提標中左右三營裁移

都司一員

千總一員

把總一員

經制外委二員

額外外委四名

馬兵一百五十名

步兵一百五十名

濟木薩營 乾隆三十六七並四十二等年由甘州涼州西寧肅州固原寧

夏各營移駐

叅將一員

守備一員

千總二員

把總四員

經制外委八員

額外外委八名

馬兵四百五十四名

步兵四百五十五名

瑪納斯協營 乾隆四十二年四十三等年由
甘肅涼州西寧肅州寧夏各

營移
駐

副將一員

都司二員

守備二員

千總四員

把總七員

經制外委十員

額外外委十二名

馬兵七百九十四名

步兵七百九十三名

喀喇巴爾噶遜營 乾隆三十七年由
陝甘各提標移駐

守備一員

把總二員

經制外委二員

額外外委二名

馬兵一百五十名

步兵一百五十名

屯所 舊制於烏魯木齊屯防差營千總
內派管乾隆四十二年改為實缺

迪化州頭屯所千總一員

昌吉縣蘆草溝所千總一員
綏來縣塔西河所千總一員

屯務

乾隆二十三年侍衛努三等查勘地畝自木壘至烏魯木齊昌吉闢展等處皆可開墾於是始議屯田設戶屯營屯戶屯所種迪化州種地一千八百一十八頃六十六畝自乾隆二十七年至四十六畝自四十二年嘉慶五年墾地六百三十頃九十二畝又乾隆五十一年丈出餘地八百一十五頃九昌吉縣種地一千六百五十五頃六十七畝自乾隆二十七年至四十一年墾地六百六十九頃三十八畝自四十二年至嘉慶六年墾地

三百八十九頃五十二畝又乾隆五十一綏來縣種地九百三十五頃九十五畝自乾隆四十二年丈出餘地六百八十八畝又五十一呼圖壁種地五百一十八頃四十一畝自乾隆三十八年至四十二年嘉慶七年墾地三百六十三頃零六畝又五十一年丈出餘地一百二十五頃三十五畝

阜康縣種地六百三十六頃七十八畝自乾隆二十四年墾地四百三十五頃四十七畝自四十二年嘉慶五年墾地一百五十三頃八十七畝又五十一年丈出餘地四十七頃四十四畝

濟木薩種地九百三十二頃一十七畝一分自乾隆三十七年至四十二年墾地二百八十八頃五十五畝自四十二年丈出餘地七十八頃六十七畝又五分喀喇

巴爾噶遜種地七十三頃八十四畝自乾隆五十七年墾地六十一頃八十八畝又五十一頭屯所種地八十丈出餘地十一頃九十六畝

頃二十三畝自乾隆三十二年至四十一年墾地五十年墾地六十三頃六十畝又蘆草溝所種地五

十三頃一十三畝自乾隆三十五年至四十一年墾地又五十一年丈出餘地四十三畝

二年至嘉慶九年墾地三十五頃四十四畝又五十一

種地一百零五頃二十九畝自乾隆三十六年至四十年墾地又五十一年丈出餘地三十三畝

八十畝自四十三年至嘉慶九年墾地九十四頃其宜禾縣奇台縣戶屯種地詳見巴里坤事宜庫爾喀喇烏蘇精河戶屯種地詳見庫爾喀喇烏蘇事宜

宜營屯所種烏魯木齊中營種地一萬零五百畝

左營種地一萬零五百畝右營種地一萬零五百畝其瑪納斯左營自乾隆四十二年種地一萬五千三十六畝至五十年裁至一萬二千九百三十六畝右營自乾隆四十二年種地一萬四千六百畝至五十年裁至一萬三千二百畝

裁撤濟木薩營自乾隆三十七年種地七千五百六十畝至五十六年裁至一萬三千四百九十九畝

是年亦全行裁撤其庫爾喀喇烏蘇精河營屯所種地詳見庫爾喀喇烏蘇精河事宜

卡倫

洛克倫卡倫距城一百七十里

昌吉舊卡倫距城八十里

阿爾哈特克卡倫距城一百二十里

大卡子溝卡倫距城一百六十里

添棚溝卡倫 距城一百里

澤達巴罕卡倫 距城一百四十里

大西溝卡倫 距城一百二十里

板窩鋪卡倫 距城一百二十里

水西溝卡倫 距城九十里

三岔河卡倫 距城一百四十里

烏什城卡倫 距城一百三十里

紅渣山口卡倫 距城一百七十里

紫泥泉卡倫 距城一百四十里

牛莊子卡倫 距城一百八十里

瑪納斯山口河東卡倫 距城五十里

三岔口卡倫 距城三百二十里

頭道河子卡倫 距城三百四十里

石山口卡倫 距城一百七十里

哈濟克卡倫 距城七十里 以上瑪納斯營管

大泉卡倫 距城四十里

沙山口卡倫 距城一百五十里

火燒溝卡倫 距城一百五十里 以上濟木薩營管

紅山嘴卡倫 距城十五里

後溝卡倫 距城十二里

五箇山卡倫 距城五十里 以上
喀喇巴爾噶遜營管

軍臺

鄂倫拜星底臺 迤南至昂吉爾圖淖爾臺一百二十里

昂吉爾圖淖爾臺 迤南至喀喇巴爾噶遜臺一百一十里

喀喇巴爾噶遜臺 南至白楊河腰臺五十五里

白楊河腰臺 南至哈必爾罕布拉克臺五十五里

哈必爾罕布拉克臺 南至根特克臺一百一十里

根特克臺 南至吐魯番底臺八十里 以上營參將所管南路軍臺

洛克倫臺 東至鄂倫拜星底臺一百一十里 西至呼圖壁臺一百一十里 以上營參將所管西路軍臺

呼圖壁臺 西至圖古里克臺九十里 以上營參將所管西路軍臺

圖古里克臺 西至瑪納斯臺九十里

瑪納斯臺 西至烏蘭烏蘇臺八十里

烏蘭烏蘇臺 西至安集海臺一百一十里

安集海臺 西至庫爾喀喇烏蘇所管奎屯臺九十里 以上瑪納斯副將所管西路軍臺

驛站

鞏寧驛 東至黑溝驛六十里

黑溝驛 東至康樂驛七十里 以上迪化州所管東路驛站

鹽池驛 南至望墩驛一百二十里

望墩驛 南至達巴罕根腰站一百一十里 又南至山陽驛六十里

山陽驛 南至通津驛八十里

通津驛

南至蘆溝驛九十里

蘆溝驛

南至陽和驛八十里以上迪化州所管南路驛站

寧邊驛

西至景化驛一百一十里

景化驛

西至樂土驛六十里以上昌吉縣管

樂土驛

西至靖遠驛九十里

靖遠驛

在綏來縣底站迤西以上綏來縣管

康樂驛

東至白楊驛九十里

白楊驛

東至三台驛八十里以上阜康縣管

三台驛

東至保惠驛九十里

保惠驛

東至孚遠驛六十里以上濟木薩管

營塘

迪化底塘

東至黑溝塘六十里西至昌吉塘九十里

黑溝塘

至阜康塘七十里

阜康塘

至大泉塘五十里

大泉塘

至清水塘七十里

清水塘

至三台塘九十里

三台塘

至濟木薩塘九十里

濟木薩塘

至古城塘六十里以上迪化城守營管


噶遜底塘

至柴窩鋪塘一百一十里

柴窩鋪塘

至迪化底塘一百二十里以上喀喇巴爾噶遜營管

庫爾喀喇烏



卷二

辛

金定新編諸星

卷二

吳

昌吉塘

至呼圖壁塘
一百一十里

呼圖壁塘

至圖古里克
塘六十里

圖古里克塘


至瑪納斯
塘九十里

瑪納斯塘

至庫爾喀喇烏
塘八十里

以上瑪納斯營管
蘇所屬烏蘭烏蘇


庫爾喀喇烏蘇輿圖



卷二 辛

瑪納斯塘
 至庫爾喀喇烏蘇所屬烏蘭烏蘇
 塘八十里
 以上瑪納斯營管

圖輿



庫爾喀喇烏蘇

精河附

疆域

庫爾喀喇烏蘇曰慶綏城精河曰安阜城自精河

西三百二十里瑚素圖布拉克臺為伊犁界南皆

大山庫爾喀喇烏蘇所屬土爾扈特其游牧之地

曰濟爾噶朗距城八十五里東至奎屯河邊定界

界南至南山北精河所屬土爾扈特其游牧之地

曰托里距城九十里東界精河城北界喀喇塔拉

界托霍木圖臺其兩處王貝勒貝子員數詳伊犁官制

官制兵額

欽定新編詩經卷二
領隊大臣一員管理土爾扈特游牧及庫爾喀喇烏蘇精河二處屯田受烏魯木齊

都統節制乾隆三十七年設

筆帖式一員

委筆帖式二員

舊係三員乾隆四十八年裁改設部員筆帖式一員

書識二名

庫爾喀喇烏蘇

糧員一員

此缺舊係縣丞乾隆四十六年改為同知四十八年改設糧員

綠營

乾隆四十七年並五十一等年由固原甘州西寧河州瑪納斯各營移駐

遊擊一員

守備一員

千總二員

把總二員

經制外委四員

額外外委五名

馬兵三百名

步兵三百名

精河

糧員一員

此缺舊係典史乾隆四十八年改設糧員

綠營

乾隆四十七年並五十一等年由固原甘州西寧河州瑪納斯各營移駐

都司一員

千總一員

把總二員

經制外委三員

額外外委三名

馬兵二百名

步兵二百名

屯務

庫爾喀喇烏蘇戶屯種地二千五百二十畝營屯種地二千五百二十畝精河戶屯種地一千二百六十畝營屯種地一千二百六十畝

卡倫

車牌子卡倫 城西北一百三十里

五里泉子卡倫 城西北二百七十五里 庫爾喀喇烏蘇所管

軍臺

奎屯臺 西至庫爾喀喇烏蘇臺八十里

庫爾喀喇烏蘇臺 西至布爾噶濟臺七十里

布爾噶濟臺 西至墩木達臺六十里

墩木達臺 西至固爾圖臺七十里

固爾圖臺 西至精河所屬之托多克臺六十里 以上庫爾喀喇烏蘇西路軍臺乾隆一十七年設

庫爾必喇臺 南至奎屯臺九十里北至沙喇烏蘇臺九十里

沙喇烏蘇臺 北至鄂倫布拉克臺七十里

鄂倫布拉克臺 北至塔爾巴哈台所屬之烏爾克圖布拉克臺九十里

沙爾札克臺 北路三臺乾隆三十二年設四十二

布拉克兩臺適中之地安設沙爾札克腰臺以上庫爾喀喇烏蘇北路軍臺

托多克臺 西至噶順腰臺七十里

噶順腰臺 西至精河臺八十里

精河臺 西至托里臺九十里

托里臺 西至托霍木圖臺一百一十里

托霍木圖臺 西至伊犁所屬之瑚素圖布拉克臺一百二十里以上精河西路軍臺

乾隆二十七年設內噶順腰臺乾隆三十七年添設

營塘

烏蘭烏蘇塘 至安濟海塘一百一十里

安濟海塘 至奎屯塘九十里

奎屯塘 至庫爾喀喇烏蘇底塘八十里

庫爾喀喇烏蘇底塘 至精河所屬之布爾噶濟塘七十里以上庫爾喀喇烏蘇所

管


布爾噶濟塘 至墩木達塘六十里

墩木達塘 至固爾圖塘七十里

固爾圖塘 至托多克塘六十里

塔爾巴哈台

庫爾喀喇烏蘇界



卷二

五五


精河底塘
托多克塘
精河底塘
以上一百五十里
河所管

欽定新編

卷二


五

塔爾巴哈台輿圖



卷二

五



塔爾巴哈台

疆域

塔爾巴哈台舊為準噶爾游牧之地準噶爾既平
 乾隆二十九年參贊大臣綽勒多由烏魯木齊率
 綠營兵六百名屯種雅爾地方建城垣並派京健
 兩營兵駐劄三十一年參贊大臣阿桂以雅爾冬
 令雪大難以駐守

奏明移進二百里於楚呼楚之地築一城即綏靖城
 也東至科布多界烏隆古河八百里北至科布多
 界額爾齊斯河六百里南至伊犁界阿魯沁達蘭

三百八十里西至愛古斯哈薩克部落四百餘里
所屬有厄魯特厄魯特游牧在城東南巴爾魯克
夏季挪於雅瑪圖策勒克等處有察哈爾察哈爾
距城二三百里編為六佐領有土爾扈特土爾扈特
城東南二百餘里拜興圖一帶地有土爾扈特爾
方冬夏挪移不定編為一佐領在城東六百餘
扈特乾隆三十六年由伊犁移住在城東六百餘
里霍博克賽里地方游牧其王公台吉員數俱詳
伊犁有哈薩克哈薩克自乾隆三十年起陸續投
官制以誠九十餘戶計七百餘口在西北
外游牧

官制兵額

叅贊大臣一員

協辦領隊大臣一員專管東路卡倫

專理游牧領隊大臣一員兼管西路卡倫

章京三員印房糧餉駝馬等處各一員

筆帖式二員

委筆帖式十員印房二員摺房一員營務處一員糧餉駝馬處一員領隊檔房一員

游牧檔房一員軍臺三員

管糧理事撫民同知一員

卡倫侍衛十二員內管軍臺一員管營務處一員餘十員俱在卡倫當差

滿營由伊犁換防

協領一員

佐領四員

防禦三員

驍騎校七員

兵七百二十名

錫伯營 由伊犁
換防

佐領一員

驍騎校一員

兵一百三十名

索倫營 由伊犁
換防

驍騎校一員

兵一百三十名

察哈爾營 由伊犁
換防

佐領一員

驍騎校一員

兵一百六十名

厄魯特營 由伊犁
換防

佐領一員

驍騎校一員

兵一百六十名

綠營 由陝甘
省換防

總理屯務官一員 或副將或
參將不一

協理屯務兼管城守營官一員或遊擊或都司守備不一

分理屯務官二員或都司或守備不一

千總九員

經制外委八員

書識三名

兵八百名馬兵一百六十六名
步兵六百三十四名

回子

通字莫洛二名繙繹回子字話
者謂之莫洛

屯務

屯工原共五處種地兵五百名嘉慶十三年八月

將軍松筠等

奏言前奉

諭旨塔爾巴哈台撥兵加屯准於烏魯木齊提屬各營撤屯歸操兵內調撥二百名赴塔爾巴哈台屯種其如何詳立章程定期調撥之處著松筠會同和寧祥保悉心妥議具奏等因欽此臣等遵卽會商妥議此項調撥屯兵二百名總須來春雪化後定期起程既到屯所應先就山伐木建蓋房屋棲止有所而後方可以興耕作現經提督定柱擬以所屬中左右三營撥兵二百名酌派守備一員千把經制外委各一員

額外外委四名三年更換一次起程時除例給車
輛鹽菜口糧外尙須接濟製裝等項現准提督定
柱移稱該營庫內貯有通融備借銀三萬兩請於
此項銀內援照從前辦過成案酌量現在情形守
備借銀八十兩千把借銀各四十兩經制額外借
銀各二十兩每兵一名借銀十兩以資製辦行裝
所借銀兩卽於該官兵本營應領俸餉內分爲二
年按季扣還報部備查其到塔爾巴哈台後應領
表口糧照例由倉支領至按月應得鹽菜一項每年
約需銀二千數百兩臣和寧查鎮迪道庫存貯經

費銀兩除每年支發各項外尙有贏餘足敷此項
屯兵鹽菜之需應請於明年爲始所撥屯兵例需
鹽菜銀兩每年卽由鎮迪道庫經費項下如數解
往以便支放所有撥解支放銀兩款數每年由烏
魯木齊塔爾巴哈台兩處造冊咨報戶部核銷以
上需用各款均毋庸另由內地請餉至屯兵二百
名所需一切鐵器農具現在迪化州庫存有荒鐵
卽令該州照數妥爲結實打造運往應用其種地
所需耕牛應由塔爾巴哈台官廠照例撥給報部
核銷又建蓋官兵房間拉運木料應需牛隻亦官

廠酌量撥給不准倒斃用畢仍還官廠臣等核計
 官兵來年春暖起程到彼伐木蓋房製造木器農
 具祇能於白露前後趕種次年應收之秋麥是於
 嘉慶十五年方可普行耕種又屯兵農隙操演所
 需軍伙器械號衣號帽等項俱由提督定柱按例
 如數撥給帶往備用臣松筠和寧遵

旨悉心妥議適臣詳保俱已晤面熟商意見相同為此合
 詞繕摺具奏奉

硃批依議辦理該部知道欽此至十四年烏魯木齊遵派
 兵二百名十五年種地交糧每名種地二十畝

卡倫

烏里雅蘇圖卡倫溝卡倫在城北七十里東北三十里至
 楚呼楚山根又向東南至板廠

哈瑪爾達巴罕卡倫三十里在烏里雅蘇圖之北

板廠溝卡倫爾卡倫東北至博洛呼濟

博洛呼濟爾卡倫蘇圖卡倫北至固爾班烏里雅

固爾班烏里雅蘇圖卡倫卡倫東北至哈達蘇

哈達蘇卡倫爾卡倫東北至特穆爾綽

特穆爾綽爾霍卡倫卡倫北至哈喇布拉

哈喇布拉卡倫多卡倫西北至干濟罕莫

干濟罕莫多卡倫 西北四十餘里回繞鞏湖向東至喜泥烏蘇卡倫二十里

喜泥烏蘇卡倫 東北至策克德克果勒卡倫百餘里

策克德克果勒卡倫 東北至札哈蘇淖爾卡倫八十里

札哈蘇淖爾卡倫 東北至輝邁喇虎卡倫入十里自博洛呼濟爾卡倫至札哈

蘇淖爾卡倫嘉慶十三年奏明改設

輝邁喇虎卡倫 臨額爾齊斯河西岸自城東北至此卡倫為夏季安設十三座

錫伯圖卡倫 在城東北一百里東北至博勒濟爾卡倫一百七十里

博勒濟爾卡倫 東北至布爾噶蘇台卡倫六十里

布爾噶蘇台卡倫 東北至烏蘭布勒卡倫八十里

烏蘭布勒卡倫 東北至俄棟果勒卡倫九十里

俄棟果勒卡倫 東北至烏里雅蘇圖卡倫六十里

烏里雅蘇圖卡倫 東北至鄂倫布拉克卡倫一百里

鄂倫布拉克卡倫 東北至瑪珉圖噶圖勒干卡倫一百二十里

瑪珉圖噶圖勒干卡倫 在額爾齊斯河下游南岸自錫伯圖卡倫至此為

冬季安設八座

巴克圖卡倫 在城西七十里西南至瑪珉圖卡倫六十里

瑪珉圖卡倫 西南至沙喇布拉克卡倫九十里

沙喇布拉克卡倫 西南至察罕托海卡倫九十里

察罕托海卡倫 西南至額爾格圖卡倫八十里

額爾格圖卡倫 西南至巴爾魯克卡倫九十里

巴爾魯克卡倫 西南至莫多巴爾魯克卡倫九十里

莫多巴爾魯克卡倫 西南至阿魯沁達蘭卡倫一百里

阿魯沁達蘭卡倫 南至伊犁屬之哈布塔海卡倫一百二十里 自巴克圖卡倫

至此為城西南卡倫八座

軍臺

烏爾格圖布拉克臺 南至庫爾喀喇烏蘇所屬之鄂倫布拉克臺九十里北至

雅瑪圖臺一百二十里中有坤都倫烏蘇腰臺

雅瑪圖臺 至沙喇瑚魯素臺一百二十里中有托里布拉克腰臺

沙喇瑚魯素臺 至色特爾莫多臺一百二十里中有阿布達爾莫多腰臺

色特爾莫多臺 至塔爾巴哈台底臺一百一十里中有干濟罕莫多腰臺

塔爾巴哈台底臺

厄魯特

總管一員

副總管一員

佐領六員

驍騎校六員

世襲雲騎尉一員

委筆帖式一員

披甲二百二十八名

半分披甲二十二名

察哈爾

佐領一員

驍騎校一員

委筆帖式一員

領催四名

披甲一百六十七名

哈薩克

佐領一員

驍騎校一員

領催四名

